



Elder Mathias Held
Jān Jiljilimjuonñoul eo

Juon Waanjoñak Emḡḡan



Ikar jab juon membōr in Kabuñ in ke ikar juon ajri. Ekar jab ḡae iien eo ikar juon rūtto im juon businessman ikar baptise.

Jema ekar barāinwōt juon businessman. Ekar lukkuun inepata ke ikar kobatok ilo Kabuñ in. Ekar ba, “Ejako aḡ idaak dān in kadōk. Enaaj pen ilo kweilōk ko ijo aolep rej idaak ippān doon.”

Bōtaab ikar jab inepata. Ikar kāālet menin ke juon eo ekar letok niḡō kadōk, ikōn ba, “Komḡool, ijjab.” Innām ikōn wōrtar bar juon men.

Iiō ko raar eļļāļok, im ikar kōḡḡane menin elōñ alen. Ālkin jidik iien, rijerbal ro ḡōtta raar kile. Eļāñne kar letok niḡō dān in kadōk, raar ba, “Mathias ejjab idaak dān in kadōk Bōkļok ñan e bar juon men.” Ekar lōñļok im bar lōñļok iaer ekar bōjrak aer wōrtar dāb in kadōk barāinwōt. “Ijjab bar kōḡaan jabdewōt,” raar ba.

Juon iien, jet rilotok raar itok ñan juon kweilōk. Raar er wōt ro raar idaak dān in kadōk.

Raar kajjitōk ippa, “Etke ekar ejjeļok juon ekar idaak dān in kadōk? Rej aolep membōr in kabuñ eo aō ke?”

“Jaab,” ikar ba.

Ikar jab kwaļok naan ñan rijerbal ro ḡōtta kōn Naan in Mālōtlōt. Ikar pen ilo tōmak ko aō, im raar kile waanjoñak eo aō.

Kwomaroñ erom juon waanjoñak emḡḡan barāinwōt. Ro jet renaaj kile ñe kwoj kāālet jimḡwe eo. Kwomaroñ jipañ er wōt ñan mour kōn gospel eo. ●

Jān juon intōrpiu ippān Haley Yancey.